


图祠公明祖始湘迁



右图为吾迁湘始祖明公之祠 朗公世龄公两系 亦合祭 其中祠建于碧湾 创自清乾隆间 后復续有修葺 惟年月皆不可考 其规制上中下三重 上为寝庙 中为堂 堂之北设龕 奉始祖之神主于中 馀主亦各以其昭穆 位于两侧 堂之左右 有东西厢房 为守祠者住室 堂之前 有丹墀 丹墀之两旁各为一室 俗名茶堂 二重通三楹 为一大厅 厅前有唐俗名曬墀 一日庭 唐之左右 为两长廊 三重则于中为台 可演剧 台之两旁 有廡室二 各为耳门 通于前 乃日常出入之路 祠面中为大门 上题 黄氏家庙四字 檐際廊以木栏统上下三重 为栋七 其面積计纵八丈六尺 横六丈四尺 清光绪二十二年丙申 族先辈復为横栋两间 于祠之右侧 以为餽馐酬酢之所 祠前有坪 祠后有小园 四旁皆畧有馀基